



Châng thlan: *Efesi 2:19–22.*

Zirlâite tân:

Hriat tân: Inpumkhatnain kohhran leh a rawngbâwlna kawnga korî a tû a ni tih tilangtu Bible-a awmte chu an hria ang.

Vei tân: Kohhran nun leh inpumkhatna kawnga Pathiana minung pathum awmten hna an thawh chu an hrethiam ang.

Tih tân: Kohhran leh a rawngbâwlna kawnga member tinten tangkâina an neih chu an hlutsak ang.

THUPI THEN

I. Hriat tân: Inpumkhatna leh kohhran sawina ÷awngkam hrang hrangte

- A Eng tiangin nge Kristiante inpumkhatna thu hi kohhran sawifiahna ÷awngkam hrang hrang—Pathian mite tih te, Pathian chhûngte tih te, Thlarau Thianghlim in tih te, Krista taksa tih te leh, berâm leh Berâmpu tih te hian uar taka an târ lan hlawm?
- B Hêng ÷awngkam hrang hrangte a÷ang hian inpumkhatna chu eng ang nge ni a, eng tiangin nge a lo thlen tih eng tin nge kan zir chhuah?

II. Vei tân: Pathian leh kohhran inpumkhatna

- A Tûn kêr zirlâia kohhran sawina ÷awngkam hrang hrangahte hian eng tiangin nge Pathiana minung pathum awmte hi kohhran inpumkhatna kawngah hna an thawh hlawm?
- B Chûng an hnathawh hrang hrangte zînga engte chu nge in kohhranin in mamawh ber?

III. Tih tûr: Member tinte an pawimawh ðeuh

- A Kohhran inpumkhatna sawina ðawngkamte hian Kristian mi mal tinten Pathian lakah leh an Kristianpuite laka rilru puthmang a neih tûr chungchâng eng nge an târ lan?
- B Eng tiang kawngtein nge in kohhrana member tinte kha an hlutna i hriatsak theih leh zual ang?

KHÂIKHÂWMNA: Thuthlung Thar kohhran sawina ðawngkam hrang hrangte hian Pathiana inngah leh inlungruâl tlâng taka awm ho pawimawhzia sawiin, Pathian mite chu inngaih sak leh inngâithlu tawn tûra koh an ni tih min zirfûr a ni.

INZIRTÎR DÂN TÛR

RAHBI 1—Chawk phûr rawh

Bible châng thlûr bing tûr: 1 Korin 12:12.

Thlarau ðanna atâna thu pawimawh: *Pathian nêna kan inlaichînna hian kan Kristianpuite nêna inlaichînna ða tak nei tûrin min pui a. Kan mamawh zawng zawng min phuhrûksak tûr leh ama rawngbâwl tûra kohna kan dawn tlânnaah amah chu kan rin chhan tlâng vek hian keimahni kan inhmuh dân leh mi dangte nêna kan inhmuh dânah nghawng ða a nei a ni.*

ZIRTÎRTÛTE TÂN BÎK: A hnuaiâ thawnthu hian mi pahnih lek inkâra inlaichînna ða awm pawhin mi dangte nêna kan inlaichînna pawh a tiðha sawt thei a ni tih a tilang a. I class member-te khân inlachînna ða neih pawimawhzia leh hna thawh inang leh ðahnem ngaih tlânna in inlaichînna ða a siam theih dân hrilhfiah ang che.

A sawi hawn nân: Wendy-i chu ram dang damdâwi in pakhata hna thawk niin, a thawhpuite chu a la hmêlhriat ngâi loh hnam dang mi vek an ni a. A thawhpui hnâi ber berte pawh hnam chi hrang hrang niin, an sakhaw vawn lah chu a inang lo hlawm hle bawk si. A thawhpuite nêh chuan kawng eng kima an hran êm

avângin a nêl lo ru hle nghe nghe. An han thawh ho tâk hnu-ah erawh chuan an zînga pakhat chu an ramah pawh training-in a lo kal ve tawh reng tih a hre chhuak ta a.

Tin, pakhat dang leh chu Juda mi-ah pawh a duh fir ber chi (Orthodox Jew) a lo ni bawk a, chumi chuan Sabbath a ngâi pawimawh hle nghe nghe. Nimahsela, hêng an thil duh leh tih thîn inangte hi an inlaichînna siamtu ber chu a ni chuang lo. Damdawi in pakhata thawk tlâng an nihna chuan an zavâiin a thui khâwm zâwk a ni. Rei tak tak chhûng an duty thîn avângin an chau thei hlawm hle mai a, tin, paperwork tiin tlâi thim dâwn thleng thleng te'n an awm hnufual thîn a, training-te pawh an kal ho fo bawk. An damlo enkawlten dam taka damdawi in an chhuahsan chângte chuan an lâwm thei hlawm êm êm mai a; dam chhuak ve ta lova thî an awm châng lahin an hrehawm an ti tlâng thei hle bawk. Chutianga an thawhna damdâwi in tâna thahnem an ngaih tlânna chuan anmahni inkâr pawh a tiṭha sawt a, thla rei lote chhûngin an innêl hlawm ta êm êm mai a ni.

Sawi ho tûrte: Mi dangte nêna in inlaichînna siam ṭha vektu inlaichînna eng emaw neih i nei em? Chutianga in inlaichînna siam ṭhat theihna chhante chu eng nge ni? Chu chuan Isua nêna in inlaichînna khân mi dangte nêna in inlaichîn tawna pawh a siam ṭha thei a ni tih hrethiam tûrin a pui che em?

RAHBI 2—Zawng chhuak rawh

ZIRTÏRTÛTE TÂN BÏK: Bible-ah hian kohhran sawina ṭawngkam tam tak kan hmu a. Tûn kêra kan zirlâiah pawh hian chûng zînga pangate chu sawi lan a ni ve nghe nghe. Tûn ṭumah hian kohhranin Pathiana minung pathum awmte nêna inlaichînna a neih theuh dân entûrna atâna tehkhin thu a hmante chu kan en ho dâwn a. Hêng tehkhin thute hi a mal malin ngun takin ngaihtuah la, Pathianin a kohhran tâna a duhsak êm êm inpumkhatna chu eng tiangin nge a târ lan tih hriatthiam tum ang che. Tin, Chu inpumkhatna chu

a thlen theih nâna Pathiana minung pathum awmten pawimawhna a neih theuh dân pawh hmuh chhuah i tum bawk dâwn nia.

ZIR ZAUNA

I. Pathian mite chu (*1 Petera 2:9; Exodus 19:5, 6; leh Leviticus 26:12.*)

Tirhkoh Paulan kohhran chu Pathian mite nia a sawi hian Thuthlung Thar kohhran chu Israel-te chanchin kal tawh leh an hnêna Pathianin thu a tiamte nêna a sawi zawm tihna a ni a. Juda ringtute kha chuan he ãawngkam hi Pathian thuthlung neitu a nihna nêna an lo hmehbel thei nghâl mai dâwn a ni, a chhan pawh he ãawngkam hi a nihna takah chuan inlaichîn tawna lam kâwk a ni si a. He ãawngkamin sawi uar a duh zâwk tak erawh chu, Pathian mite chungthu ni lovin, Pathian thiltihte leh nungchang a ni. Pathian chu Israel mite siamtu awm chhun a ni a. Ani chu a mite ni tûra Israel mite thlangtu niin, anmahni chu a lei a, a tlan a, a chhandam bawk. Chuvângin, keini pawh hi Pathian ta kan ni a, kan nihna hi ama hnên ațanga kan dawn niin, ama kaihhruai ang zêla awm kan ni.

Pathian mite tih ãawngkam hian kan chan ãhatzia a sawi lang a, a chhan pawh Pathian dik leh khawngaihna ngah tak rawngbâwl tûra serh hran tawhte kan nih vâng a ni. A mi mal ang leh a huho ang pawhin Pathian khawngaihna chu kan lo chang fo tawh nghe nghe. Pathian mite tih ãawngkam hian kan zinkawnga thil kan tawn tlânthe pawh min hrilh bawk a. Kan zavâi hian thlan kan ni a, serh hran tawh kan ni bawk, chuvâng chuan Pathian khawngaihna leh duhsakna pawh kan chang rêng a ni. Kan zavâi hian Krista ațanga lo chhuak nihna thuhmun chu kan ințawm tlâng a, kan Pathian thiltih ropui tak takte chu kan puang tlâng bawk. He ãawngkam hian kan lo hlawhchham tlân tawhna te, tûna hamthamna kan chan tlân mêk te leh Kristaa beiseina kan nei tlân te chu min hriattîrin min suih khâwm thei a ni.

Ngun takin ngaihtuah teh: Enga ti nge Petera hian Pathian mite lo nih chungchâng hi a sawi uar viau le? Pathiana nihna kan neihna hian kan ni tin nunah danglamna eng nge a siam?

II. Thlarau Thianghlim in chu (*1 Korin 3:16, 17*)

Paulan Kohhran chu Pathian Thlarau Thianghlim in tia a sawi hian a lehkhathawn lo chhiartute a rilru-ah thil dang a lo lang ngeiin a rinawm. Juda ringtute khân kohhran chu Israel-te chanchin kal tawh nên leh Juda sakhua leh hnam nun kengtu ber Jerusalem-a Pathian biak in ropui tak nên khân inzawm niin an ngâi ngei ang. Chutih lâiin Palestina ram pâwna awm Gentail ringtute erawh kha chuan Grik temple ropui tak tak, Apollo temple te emaw kha an lo mitthla ve daih maithei thung.

A eng a pawh chu ni se, Paulan kohhran chu Pathian in ang nia a sawi hi chu an zavâi khân an hrethiam tlâng vek tho chuan a rinawm. Hmânlâi Bible ram vêla temple hrang hrangte pawhin pianphung leh entîrna thuhmun an pu fur hlawm a. Temple rêng rêng chu Pathian chênna hmun nia ngiah a nih avângin hmanraw tha ber ber hmanga uluk taka sak a ni thîn. Pathian chu in Pakhata tawmtîr reng theih nih lo tho mah se, chênna in bîk a nei hian Pathian chu ama'n a lo tiam tawh ang ngeiin a mite zînga a rawn chêng ta a ni tih a min hriattîr a ni. Pathian chu a ina a chên avângin a in chu a thianghlim a, amah leh a mite inbiak pawhna hmun ber a ni bawk. Tin, Pathian in chuan Pathian chakna leh thiltihtheihna a puang chhuak bawk a. Pathian chuan a mite a ngaihsak a, an nunah a rawn inrawlh thîna ni tih a nemnghet.

Kohhran pawh hi Pathian in ang bawk khân Pathian in a chên chilh hmun sawina a ni ve tûr a ni. A nungchang târ langtu ni tûra koh a ni a. Kohhran member tinte hi Pathian âiawh ni tûra koh chu an ni tho nain, a pum puia kohhranin Pathian nungchang a târ lanna hian min lo thlîr rengtu khawvêl tân chuan thu hretu chak zâwk a ni.

Chuvâng tak chuan kohhran inpumkhat ƣa chuan Pathian nungchang leh thiltihtheihzia a târlang a. A huhova Pathian nungchang târ lanna a lo chhia a nih chuan Pathian biak in pawh tihchhiat ni ve nghâlin, a ƣangkâi tûrin angin a ƣangkâi thei lo va, a thawh tûr pawh a thawk thei lo ƣhîn bawk a ni.

Ngun takin ngaihtuah teh: Pathian chuan a kohhran hi a chên chilh ngei a nih tih hmuh theih a nih dân chu eng nge ni? Eng vângin nge a awmpuizia tihlan nân kohhranhote hi kan inpumkhat tlat a pawimawh?

III. Krista taksa chu (*1 Korin 12:12–26*)

Hmânlâi Grik-Rome policitian ƣhenkhat, entûr nân, Menenius Agrippa te khân ram/hnam inpumkhatzia sawi fiahna tûrin taksa hi tehkhin nân an lo hmang ve tawh ƣhîn a; chuvâng chuan kohhran inpumkhat thu sawina atâna Paulan taksa a hmang hi mi la tih ngâi lo rawn ti thar a ni hran lo tihna a nih chu. A tehkhin thu hrilhƣiah dân erawh chu Menenius-a hrilhƣiah dân nêh a danglam khawp mai thung. Politician-te ngaih dânah chuan mi hnuaihnung zâwkten an dinhmun dik tak an hriatthiam a, an chungawm awm rorêltute thu thu-a awm tûra an inphah hniam hian inpumkhatna chu a lo thleng ƣhîn a.

Paula erawh chuan kohhran chu taksa member chak lo zâwkte leh hriat hlawh ve phâk vak lote dâwm kâng tûra fuihin, anni pawh kohhranin ƣa taka hna a thawh theih nân an pawimawh ve tho a ni tih a hrilh thung. Kohhrana mi chi hrang hrang inang lo tak tak kan awm tlâng hi lâwm hle zâwk tûr a ni a, a chhan pawh hna hrang hrang thawh tûr a awm avângin hetiang hian Pathianin ruahmanna a lo siam a ni. Puala hian taksa member-te chu intluk tlâng vek leh pawimawhna nei ƣheuh an nih mai bâkah, inzawm tawn vek an nih thu pawh a sawi tel a. Taksa pêng tinte hian pêng dangte pawh an mamawh ƣheuh a, pêng dangte hlawhtlinna leh hlawhchhamna chuan anmahni-ah nghawng a nei ve zêl a ni.

Ngun takin ngaihtuah teh: Paulan taksa a thlîr dân leh hmânlâi polician-ten an thlîr dân kha a inkal h a. Eng tiangin nge taksa tehkhin thu hian kan chênna khawtlâng ngaihdân leh ngaihhlut zâwng thilte thlâk danglam thei tûrin hna a la thawh chhunzawm zêl le?

RAHBI 3—A taka nunpui tûr

ZIRTÛRTÛTE TÂN BÏK: Tûn kêr zirlâia kohhran inpumkhat thu sawina ÷awngkam hrang hrangahte hian Pathiana minung pathum awmte sawi lan a ni deuh zêl a. I class member-te hnênah khân Pa leh Fapa leh Thlarau Thianghlim nêna inlaichînna kan neih dân hi kohhrana inpumkhatna a thlen theih nân a pawimawh a ni tih hrilhfiah ang che.

Sawi ho tûrte:

❶ Pathian mite tih ÷awngkam hian kan nihna chu Pathianah a awm a ni tih hre tûrin min sâwm a. Eng tiang kawngtein nge Pathiana kan nihna hi inpumkhatna nêh hian a inkungkaih le? Kan nihna hi a hnam ang zâwng te pawhin kan sawi ÷hîn bawh a. Pathiana i nihna kha i sawi chhuah hmâin i nihna dang eng engte kha nge sawi chhuah hmasak phawt i tum ÷hîn? Chûng i nihnate chuan kohhrana inpumkhatna a thlen theihna tûr kawng a dâl em?

❷ Eng tiangin nge mi dangte pawh hi Krista taksa pêngte ve tho ni anga ngaihna hian anmahni i hmuh dân leh thil in tih hona kawngah nghawng a neih? Chu chuan nangmah i inhmuh dân leh nangma hlutna i hmuh dân pawh eng tin nge a nghawng bawh?

Tih tûr: In kohhran member, mite hriat hlauh phâk ve vak lo hnênah khân kohhran tâna thil a tih avânga i lâwmzia hrilh ang che.

RAHBI 4—Boruak siam rawh

ZIRTÏRTÛTE TÂN BÏK: A hnuaia tih tûr kan sawi hian tûn kâra kohhran sawina ʔawngkam hrang hrang kan zir tâkte kha a awmzia a rawn phawk chhuak ʔha leh dâwn a. Kan hnam tih dân leh kan hun lâi mil ang zêla Bible thupuite hrilhfiah thiam a pawimawhzia min hriattûr dâwn a ni.

Tih tûrte: Thuthlung Thar lehkhabu ziaktute hian an thuziak lo chhiartuten awlsam taka a awmzia an lo hriatthiam theih mai nân tehkhin thu leh entûrna eng eng emaw an hmang hlawm a. Juda-te chuan an mitthlaah Pathian biak in kha hmuin, a pawimawhzia pawh an hre sa vek tlângpui a ni. Chutiang bawkin an thuziak chhiartute zînga a tam zâwk daihte kha berâmpu leh berâmte inkâra inlaichînna awm hrethiamtu an ni bawk. Amaherawhchu, keini tûnlâia mite tân hian han mitthla mai a harsatna chin a awm thung a. Kum zabi sâwm leh pakhatnaa chêngten an hriatthiam theih tûr tehkhin thu hmangin kohhran inpumkhatna awmzia sawifiah dân kawng zawng ang che.